



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis Universa

Jansen, Leonard

Coloniæ Agrippinæ, 1725

Casus XCIV. De tempore & loco, & cæteris ad Missam requisitis.

urn:nbn:de:hbz:466:1-39911

id præcepisse per verba: *Hoc facite, &c.* probabile tamen est cum S. Bonav. *Cajet.* hoc præceptum datum esse communitati Sacerdotum, non autem singulis. Deinde simplex Sa-

cerdos tenetur celebrare, quando ipse vel populus die obligato aliter Missam audire non potest; hoc enim requirit ejus officium, *Sennet*

q. 54.

C A S U S X C I V .

De tempore & loco, & cæteris ad Missam requisitis.

Gabius Sacerdos dubitat: 1. Quâ hora manè Missam inchoare possit. 2. An in nocte Nativitatis possit legere omnes tres. 3. An post meridiem, an in hoc cum suis dispensare possint Superiores Regularium. 4. An Matutina præmittenda. 5. An liceat legere die Jovis, Veneris & Sabbathio S. 6. An sepius eodem die, & ex quibus casis. 7. An & quando liceat Missam ab - vel interrumpere. 8. Quando liceat legere extra Ecclesiam. 9. An in cubiculo infirmi. 10. Quid hic possint Episcopi vel Regularares. 11. Quid de Ecclesia execrata vel polluta. 12. An casus polluentes debeant esse publici, an polluant Ora- toria. 13. An polluta vel execrata Ec- clesia polluatur Altare & cœmterium, an reconcilietur per celebrationem Missa.

14. Quid agendum de lignis vel lapidibus Ecclesiæ destrunctæ. 15. Cujus sit Ecclesiæ consecrare, benedicere, reconciliare. 16. An Episcopi dare possint licentiam celebrandi in privatis Oratoriis. 17. Quid de Oratoriis Regularium. 18. 19. 20. 21. 22. Secularium. 23. Quid circa Altaris formam. 24. Consecrationem. 25. Execrationem. 26. 27. Quid circa

materiam, consecrationem, attacatum, execrationem patene, calicis, ciborii, Monstrantia. 28. Quid circa benedictionem & execrationem paramentorum. 29. An aliquando sine iis celebrare liceat. 30. Quid de eorum colore. 31. Quid de mappa, antependio, Cruce. 32. Lumine, Missali, Mi- nistro. 33. An liceat celebrare nudis pedibus, tecto capite, vel cum parucca. 34. Quid de campanis. 35. Qualis Missa legi debeat, de quo Sanælo. 36. Quid de Missis votivis & de requiem. 37. Quale peccatum sit hic aliquid omittere vel mutare. 38. Accelerare, nimis submissè vel altè recitare. Pro Resolutione

QUÆR. 1. Quâ hora celebран- dum?

34. 1. Tempus licet celebrandi juxta Rubricas incipit ab aurora usque ad meridiem. Aurora autem hic non sumitur mathematicè, sed moraliter pro sesqui hora ante Solis ortum: imò Missam regulariter duabus horis ante ortum Solis inchoari posse docent Rodrig. Suar. d. 80. f. 6. Tamb. de Sacrif. l. 1. c. 6. Unde cùm teste Rodrig. qq. reg. q. 33. Religiosi habeant privilegium, ut unâ horâ tempus

I 2 ordi-

1.

- ordinarium prævenire & sequi pos-
sint, his licitum erit tribus horis ante
ortum Solis Missam inchoare, ita ut
si Sol in æstate oriatur horâ quartâ,
legere possint primâ noctis. 2. Etiam
alii Sacerdotes auroram *ex justa causa*
prævenire possunt, ut si consecrân-
dum sit pro morituro viaticum, die
festo itinerandum, nec seriùs com-
modè legi possit, si in magna solemnî-
tate aliás non possent dici omnes
Missæ, item ut famuli, opifices in
hyeme ante laborem missam audiant,
& ita in civitatibus Germaniæ habere
consuetudinem testatur *Laym. hic c. 4.*
2. n. 3. 3. Etsi communis cum *Pign.*
t. 7. conf. 25. teneat, & *S. Congregatio*
sæpè declaraverit, quod in Nativitate
Domini omnes tres Missæ non de-
beant dici de nocte, nec distribui
Communio; contrarium tamen ha-
bet consuetudo, quæ cum *Gavanto*
non videtur improbanda, si ob nu-
merum Sacerdotum alioquin omnes
Missæ commodè dici non possent.
3. 4. *Sotus, Nav. Dicast. Gobat t. 3. n. 202.*
dicunt, Missam saltem ex causa ratio-
nabili, putâ itineris, festi, Jubilæi,
accursus populi, vel ut Princeps Mis-
sam audiat, incipi posse ante tertiam
pomeridianam, quia olim legebatur
vesperi, & contraria consuetudo non
est inducta ut obligativa, sed ad
majorem commoditatem Sacerdo-
tum & fidelium. *Pius V.* tantum pro-
hibuit Missas vespertinas, vesper in-
cipit prius horâ tertiâ. Juxta *Sennyei*
& communem licet inchoare ante
primam pomeridianam, intellige ubi
hoc specialiter non est prohibitum,

ut graviter prohibitum est in Diœ-
cesi Coloniensi Missam incipere post
duodecimam, non autem finire,
5. Possunt Superiores Regularium
cum suis dispensare, ut ex rationabili
causa tempus celebrandi anticipent
vel postponant, quia possunt cum
suis, quod Episcopi cum sacerdotibus,
Pasq. La Croix n. 225. 6. Missale pre-
scribit, ut Missa non legatur nisi per-
soluto Matutino cum Laudibus; at
non est obligatio saltem gravis, imò
nec levis, si adsit aliquatalis causa,
major v. g. commoditas itineris, stu-
dii, &c. Est nunc communis cum
Soto, March. Suar. l.c. Illung t. 5. n. 36.
quia nullibi reperitur præceptum,
& rubrica hîc tantum sunt directivæ,
vel ad summum obligant sub veniali,
nec est specialis connexio vel depen-
dencia Missæ à Matutino.
QUÆR. II. Quibus diebus & quo-
ties liceat celebrare?

12. I. Per se licet omnibus diebus.
Difficultas est de tribus ultimis die-
bus Quadragesimæ, & quidem 1. Di-
cij Jovis S. laudabilis habet consuetu-
do, ut unus tantum Superior cele-
bret, & reliqui omnes etiam Sacer-
dotes more laicorum communicent,
ad imitationem Christi & Apostolo-
rum; licet tamen est etiam aliis
celebrate de feria, præterim acce-
dente aliquâ causâ, ut v. g. populus
mane Missam audiat, nulla enim id
lege prohibetur, & ita habet con-
suetudo in Germania, testibus *Tann.*
Laym. c. 5. n. 9. Dicast. d. 4. n. 28. & si
quod est decretum *S. Congreg.* in
contrarium, id non esse legitimè
pro-

promulgatum docet *Lug. d. 10. n. 14.*
Sennyei monet, eo die non esse cele-
brandum post Missam solemnem. Si
quis habeat duas parochias, debet
sepulchrum erigere in principaliori,
vel si in utraque erexit, officium fa-
cere in sola principaliori, & alteram
hostiam reponere in sacrario. Si utra-
que Parochia sit populosa & distans,
debet uno anno hic, altero ibi offi-
cium facere, *Amicus apud Pign. t. 9.*
conf. 79. n. 15. 2. Die Veneris sub
mortali prohibetur Sacrificium Mis-
sa, quia illo die Ecclesia recolit Sa-
crificium cruentum in Cruce, *c. Sab-*
bathi, de consecr. d. 3. Neque licet dare
Communionem nisi infirmo, *Barb.*
Dian. p. 4. t. 4. R. 237. Si Parochus die
Jovis non deposita hostiam pro die
Veneris, utatur parva consecratâ, si
habeat; si non habeat, faciat duas
hostias privatim consecrari per alium
Sacerdotem, si Sacerdos non adsit,
& timeatur grave scandalum, quod
aliter evitari non possit, juxta *Gobat,*
Sporer n. 452. Ipse Parochus potest
mane de Passione vel Cruce privatim
consecrare duas majores hostias, re-
servando unam pro Officio; quamvis
enim tunc agat contra duplex præ-
ceptum Ecclesiae de non consecran-
do & non communicando bis, præ-
valet tamen præceptum naturale de
evitando scando. 3. Die Sabbathi
una Missa solemnis permittitur, non
vero privata nequidem de requiem
stante funere, quia *Alex. VII. 5. Aug.*
1662. & *Clem. XI. 30. Aug. 1706.*
prohibent Missam de requiem dici
in duplo, multo ergo magis die

Jovis vel Sabbathi S. quibus etiam
triplicia cedunt, ideoque tunc ex-
equiae differendæ sunt post Octavam
Paschæ.

q. II. Olim licebat toties eadem
die Missam legere, quoties placebat;
nunc solùm unicam legere licet, *e.*
consultus de celeb. Mis. Excipe 1. diem
Nativitatis Domini, in quo permit-
tur cuilibet Sacerdoti ter consecrare,
c. sufficit, de consecr. dift. 1. Ad hoc ta-
men nemo tenetur, sicut nemo tene-
tur tres Missas audire; si quis ex per-
missione Episcopi soleat consecrare
in duabus parochiis, poterit in die
Nativitatis facere sex Sacra, *Gobat*
n. 188. & qui in uno loco, ubi est no-
vum Calendarium, in Natali Domini
celebravit tres, poterit in alio loco,
ubi est Calendarium vetus, iterum
tres Missas celebrate, utendo pri-
legio loci; qui tamen semel in Natali
celebravit, non potest postea com-
municare, quia sola pluralitas Sa-
crificii permittitur. 2. Ordinatus
die Nativitatis in Sacerdotem potest
duas postea Missas legere, quia non
communicavit more laico, sed cum
Episcopo. Ordinatus in ultima Missa
adhuc potest dicere priores duas,
quia ordo ille non ita est necessarius,
ut ex rationabili causa mutari non
possit. 3. Si unus vel alter pastor vi-
cinus sit ægrotus vel absens, potest
alius bis vel ter, si opus fuerit, con-
secrare, nec requiritur major causa
pro tertia, quam pro secunda Missa;
idem alii permittunt die feriali in ac-
cursu populi, adventu Magnatis, aut
Principis; sed attendenda est con-

I 3 fuc-

suetudo & ordinatio Episcopi; Religiosis sufficit licentia suorum Superiorum, *Pasq. q. 392.* Si ad Superiorem recurri non possit, prudens quisque potest de causa judicare. 4. Si desit hostia pro viatico moribundi, licebit Sacerdoti etiam non jejuno secundò celebrare communissima apud *Tamb.* *I. 4. c. 6. §. 8.* *Leand.* *hic n. 447.* Si monachus sub primo Sacro, reserba particulam de hostia maiore, si hostiam jam sumperas, sume etiam Sanginem, & omissa Purificatione perage reliqua, & de novo incipe Sacrum, si periculum sit, ne ægrotus interim moriatur, intermissò Sacro vade ad eum absolvendum & inungendum, nequam licebit consecrare, ut vocant, compendiosè, hoc est, extra Missam, vel unam tantum speciem; id enim Ecclesia nunquam permituit, *Chapeau. c. 4. q. 20.* 5. Obligatio dicendi Missam conventualem non est ratio sufficiens iterandi, nisi forsan ob periculum scandali die festo; nec sufficit benedictio nuptiarum, quia potest differri vel fieri sine Sacro, neque paupertas Sacerdotis aut Ecclesiæ, c. sufficit de consecr. *dif. 1.*

Q U Ä R . III . Quid de ab- vel interrupenda Missa?

7. *¶* Abrumpere Missam cæptam sine causa, est mortale, quia est gravis irreverentia, idèoque abrumpens incurrit suspensionem à Corpore & Sanguine Christi, c. nullus de consecr. *dif. 1.* Dixi, sine causa; nam justa causa abrumpendi etiam post consecrationem est 1. Periculum mortis ex incursu hostium, expedit tunc speciem con-

secratam sumere, ne inhonoretur, & abire. 2. *Morbus;* si Sacerdos deficiat post unam speciem consecratam, debet alius Sacerdos, etiam non jejunus, si adsit, Sacrificium complere: id enim exigit integritas Sacrificii; si deficiat sumpto sacro Corpore, poterit Calix sumi à Sacerdote, vel reponi in sacrario cras sumendus cum aliis speciebus de novo consecrandis. 3. Si polluatur Ecclesia per notoriam sanguinis effusionem, & Missa adhuc sit ante consecrationem, debet abrumpi; idem est, si Sacerdos recordetur se esse excommunicatum vel suspensum, aut locum esse interdictum, *rubr. §. 8. n. 5.* Si ex abruptione timeatur infamia vel scandalum, ut plerumque timeri potest, si celebretur publicè, semper licet prosequi, *Sennyei, Pasq. q. 194.* Quid agendum illi, qui sub Missa recordatur mortalis, dixi *Cas 92. n. 33. §. 42.* 4. Posse Missam ante oblationem abrumpi, & novam inchoari, ut Cardinalis, Episcopus, Marchio vel Comes superveniens Missam die festo audiat, probabilitate affirmant *Lym. Dicast.* modò non adsit alius Sacerdos, qui Missam legere possit; si enim ex simili causa, juxta plures, licet iterare Missam, cur non abrumpere? At rectius *Sennyei, Pasq. q. 199.* *Illf. hic n. 103.* dicunt, expedire, ut nihil repetatur; quia ipsa inconvenientia repetitionis satis excusat ab auditione illius partis; multò minus repeti poterit post Offertorium. 5. Similiter ex justa causa potest Missa interrumpi v. g. interponendo ordinationem, concionem,

nem, imò pro dando viatico vel unctione moribundo intra Ecclesiam vel in vicinia potest interrumpi post consecrationem, retentis sacrī vestibus, multò magis id licet ad dandam absolutionem etiam remotè extra Ecclesiam, quia necessitas excusat ab omni irreverentia: interim sacræ species vel sunt reponendæ intra sacrarium, vel constituendus qui eas custodiat. *Senn. La Croix n. 248.* dicunt, in posito casu posse dimidiari confessionem, quod non probbo, quia illa brevis mora in audienda integra confessione tantum prolongat interruptionem jam inchoatam; ergo sicut non licet dimidiare confessionem ob magnum concursum pénitentium, ut certum est ex Prop. 59. ab *Inn. XI.* damnata, ita minus hic.

QUÆR. IV. Quo loco celebrandum?

8. Seclusâ necessitate & privilegio, sub mortali celebrandum est in Ecclesia consecrata vel benedicta, non execrata neque polluta, c. 1. i. 12. 14. de *consec. dist. 1.* *Trid. eff. 22.*

Dicitur primo: Seclusâ necessitate; nam si urgeat necessitas, licet celebrare in alio loco decenti in Altari portatili: Ut 1. si alicubi non sit Ecclesia vel Oratorium ab Ordinario approbatum, vel sint diruta aut combusta, c. 30. de *consec. dist. 1.* 2. Si tempore pestis, belli, vel persecutionum in Ecclesia sine periculo legi non possit, potest legi in privatis domibus, carceribus, vel cryptis subterraneis, uti factum testatur *Baron. ad annum Christi 303. n. 39.* 3. Si tem-

plum non capiat populum, potest erigi Altare ante templum, *Laym. Schmalzgrub. l. 3. tit. 40. n. 8.* 4. In bello & castris diebus festis pro militibus, festis & profestis pro Officiis, *Lugo, Pasq. Dian. p. 9. t. 1. R. 44.* 5. In longa navigatione in littore, aut quieto mari, etiam in navi, modò aliud Sacerdos vel Diaconus calicem teneat, ne labatur, quod *Suar. Schmalzgrub.* meritò extendunt etiam ad peregrinationem terrestrem per loca deserta vel infidelium; neque in his casibus opus esse licentia Episcopi; sed ipso jure & consuetudine eam concedi docet *Reiffenst. l. 3. t. 41. n. 13.* intellige, si necessitas sit evidens, & non sit facilis ad Episcopum recusus. 6. An verò diuturna infirmitas sit causa sufficiens, ut saltem Episcopus dispensare possit, ut legatur in privatis ædibus in portatili pro solamine infirmi, post decretum *Clem. XI.* (de quo statim) est valde incertum, quo statuitur, quod nec ipsi Episcopi possint in domibus laicorum Missam legere; aut alteri Episcopo id in sua diocesi permettere, multò ergo minus hoc Episcopus permittere poterit laico; at quia decretum non loquitur de casu necessitatis aut infirmitatis, adhuc probabiliter id concedere poterit Episcopus in tali casu, & ita habet consuetudo & praxis in his partibus.

Dicitur 2. Secluso omni privilegio, quale olim ex *Can. Missarum de consec. dist. 1.* habebant Episcopi, & Prelati Episcopo majores in quovis loco etiam in domibus laicorum & extra diœ-

9.

10.

diœcesin erigendi Altare portatile, in eoque legendi; idem potuerunt Franciscani, Prædicatores, & alii cum iis communicantes: & quamvis plurimi apud Pign. Gobat, Sporer. n. 440. Schmalzgr. l.c. docuerint, hæc privilegia, præsertim Episcoporum, eò quod sint clausa in Corpore Juris, per Conc. Trid. non fuisse revocata, nunc tamen ea, etsi in Corpore Juris clausa, tam pro Episcopis, quam pro Regularibus esse revocata, certum est ex novissima declaratione Clem. XI. die 15. Decemb. 1703. cuius tenorem exhibent La Croix l. 6. p. 2. post num. 258. Reiffenst. n. 5. qui à n. 9. testatur, hoc Decretum in pluribus Germaniæ Episcopatibus, nominatum in Salisburgensi, esse publicatum & receptum.

II. *Dicitur 3.* In Ecclesia non consecrata, neque polluta; nam in his sacrificare, sepelire, vel Officium Divinum facere, est mortale, quia graviter prohibetur per jura cit. Ecclesia execratur, seu amittit consecrationem, quando muri ex maiore parte corruerunt, vel ab incendio interius majori ex parte sunt devastati, & abrasi, non verò si parietes dealbentur, vel tectum corruat; quia consecratio adhæret parietibus, è contra benedictio adhæret fundamento, ideoque Ecclesia non amittit benedictionem, nisi destruatur auctoritate Superioris, & sine spe redicandi, Engel. l. 3. decret. 1. 40. Reiffenst. ibid. n. 12. Schmalzgr. n. 23. Ecclesia dicitur polluta, si in ea fiat actio, propter quam putatur indecens

exercere Officium Divinum, quod de jure fieri potest quinque modis:

1. Per effusionem sanguinis humani graviter injuriosam, c. fin. de consec. Unde non polluantur, si effusio fiat ab amente, ebrio, furioso, vel ad justam defensionem, aut non in Ecclesia, sed in portico, turri, vel subtus in spelunca.
2. Per homicidium culpabiliter vel per sententiam judicis illatum, c. si motum de consec. dift. 1. non verò per suspicendum ad muros Ecclesiæ.
3. Per illicitam effusionem seminis humani, c. uni de consec. in b.
4. Per sepulturam excommunicati denunciati, seu vitandi, quales in Germania non sunt haeretici.
5. Per sepulturam hominis non baptizati; excipitur tamen probabiliter catechumenus, infans parentis Christiani, vel dubiè, vel omnino non baptizati, Engel. §. 2. Pasq. Schmalzg. n. 74. quia tales in odiosis non censentur infideles, & Ecclesia in dubio non censetur polluta. Casus 12. prædicti, ut inducent Ecclesia pollutionem, debent esse publici, Sylvest. Barb. Engel. Reiffenst. l.c. Parr. ibid. n. 12. Ratio est, quia quamdui factum non est publicum, Ecclesia retinet bonam famam suam, ideoque non censetur violata; per prædicta polluitur sola Ecclesia propriè talis, hoc est, locus communis ab Episcopo consecratus vel benedictus, non autem Oratoria privata, quæ in odiosis non censentur Ecclesia, Suar. Lugo D. 20. n. 59. Pollutâ Ecclesiâ polluitur Altare fixum, non portatile; item polluitur cæmentium contiguum, non è contrâ,

c. 44.

c. un. de consec. in 6. Execratâ tamen Ecclesiâ non execratur Altare, quia in hoc unum non est accessorium alterius, Barb. Schmalzg. n. 64. Ecclesia polluta non reconciliatur per hoc, quod in ea Missa celebretur, ut contra Sà habet communis, sed debet reconciliari ritualiter per Episcopum. In necessitate, ut populus v.g. Missam audiat, possit Episcopus dispensare, ut legatur in Ecclesia nondum reconciliata, Barb. Dian. Delbene, & plures apud Leuren. l. 3. q. 954. n. 4. Si Ecclesia destruatur vel corruat, ligna & lapides converti nequeunt ad privatos laicorum usus; potest tamen ex hujusmodi lignis construi alia Ecclesia, Sacellum vel Capitulum Religiosum, vel etiam ligna in coquina Religiosorum comburi, Gloff. ad c. que semel. Lepides cum licentia Episcopi vendi possunt ad usus profanos, non sordidos, crecta tamen ibi Cruce, c. que semel 194. i. Engel. l. 3. t. 48. n. 9. Corpora sepulta in Ecclesia profanata transferri debent ad alium locum benedictum.

15. QUÆR. V. Cujus sit Ecclesiæ consecrare, benedicere, pollutas reconciliare? &c.

q. 1. Consecrare Ecclesiæ de jure est solius Episcopi, l. nemo. c. nullus de consec. dist. 1. 2. Abbates & Superiores Regulares, eti non possint consecrare, possunt tamen vi privilegii à Leone X. Fratribus Minoribus, & per communicationem aliis confessi solemnis benedictione benedicere omnes & singulas ejusdem Ordinis Ecclesiæ, camiteria, Capitula, & Oratoria

R. D. Jansen Pars II.

ubique existentia, Rodrig. t. 1. q. 19. n. 2. Barb. Reiffenst. n. 9. Leuren. n. 5. Schmalzg. n. 16. & hoc privilegium nullibi esse revocatum cum alijs restatur Polliz. 10. 2. t. 8. c. 5. n. 67. 3. Ecclesiæ pollutas, si præviè fuerint consecratae, de jure reconciliari possunt à solo Episcopo, Barb. Pirrh. tit. 40. n. 20. At vi privilegij memorati possunt Fratres Minores & cum iis communicantes (inter quos sunt Præmonstratenses, ut dixi Cas. 71. n. 5.) Ecclesiæ sibi subjectas quomodounque violatas etiam priùs consecratae reconciliare, & quidem aqua per ipsosmet benedicta, quando Episcopus distat duabus diætis, (una diæta continet 20. millaria Italica, seu 4. vel 5. Germanica) si verò duabus diætis non distat, aquâ per Episcopum benedictâ, quâ opus non esse apud Reiffenst. docent Rodrig. Barb. si Episcopus absit, aut interveniente morte, renunciatione, vel dispositio- ne non existat. 4. Si polluitur Ecclesia, qua priùs non fuit solemniter consecrata, sed solùm benedicta, vel authoritate Episcopi, vel alterius ad cultum Divinum deputata, tunc potest à quovis Sacerdote non petitâ ab Episcopo licentiâ per aspersionem solius aquæ lustralis ordinariæ dennō reconciliari. Communis & certa, c. fin. de consec. Leuren. n. 4. 5. Cœmiteria polluta ab iisdem reconcilian- tur, à quibus Ecclesiæ, Sylvest. Pirrh. n. 30.

QUÆR. VI. Quid circa Oratoria?

q. 1. Oratorium est locus in pri- vatis ædibus ad cultum Divinum de-

K pu-

putatus non habens campanam, nec ingressum in via publica, quem si habet, dicitur Sacellum publicum, secus privatum, quod ad nutum domini redire potest ad usus privatos, *Gobat n. 251.* Potest Episcopus sacerdotibus licentiam dare, ut constanter celebretur in publico, non verò in privato, nisi in casibus necessitatis supra memoratis ob decretum Trid. Clem. XI. quod tamen quoad hanc partem ab Episcopis Germaniae ubique non est receptum, vel decennali consuetudine in contrarium (quod etiam cum mala fide fieri posse dixi *Cas. 5. n. 14.*) abrogatum, ita ut teste *Gobat 1. 3. n. 244.* & *La Croix n. 263.*

17.

praxis doceat, quod Episcopi in Germania habeant potestatem concedendi privata Oratoria ex justa causa ad dies vitæ. 2. Non obstante decreto Clem. adhuc possunt Regulares vi suorum privilegiorum erigere privata Oratoria & Capellas domesticas in Monasteriis, in cameris, ac cellis infirmorum, in grangiis & villis, ubi Religiosi resident, legere in Altari viatico seu portatili, *Dian. Lezan. Pelliz. Azor.* cum *Reiffenst. n. 19.* quia his privilegiis non derogavit Trid. quod solum loquitur de dominibus privatis, seu locis profanis, quo nomine non veniunt domus Religiosorum, & post Conc. Trid. hujusmodi privilegium de novo concesserunt Greg. XIII. Societati IESU, & Pius IV. Anno 1565. Canonis Regularibus, & per communicationem aliis Religiosis, *D. D. c. c.* Neque his privilegiis prejudicat sèpè fatum decre-

tum Clem. utpotè quod solum declarat, quæ privilegia à Conc. Trid. sint revocata, nec afficit privilegia post Concilium concessa: neque Regularium Oratoria indigent Episcopi designatione vel approbatione, possuntque in illis legi eodem die plures Missæ etiam à Sacerdote seculari, quia privilegium illorum non est personale tantum, sed & locale, seu redundant in ipsum locum, ideoque gaudent immunitate, *Lezan. Dian.* apud *La Croix n. 257.* atque etiam seculares in iis satisfaciunt præcepto Missæ, *Quart. Tamb. l. 1. c. 4.* *Illung. t. 5. n. 169.* *Reiffenst. n. 21.* 3. Laici, qui per falsa narrata impetrarunt privilegium celebrandi Missam in Oratorio privato, non possunt eâ licentia uti, quia est subreptitia & nulla, ideoque tenor concessionis esse solet: *Tibi, qui, ut afferis, ex nobili genere procreatus existis, qui in actuall morbo vel senio constitutus es, &c.* Si morbus vel nobilitas falso allegetur, non valet concessio; sufficit tamen nobilitas ex una tantum parte matris vel patris, quia favores latè accipiendo sunt, *Pign. 6. consec. 98.* 4. Hoc privilegium datum à Papa durat ad mortem privilegiati, nec finitur morte Papæ, qui concessit, vel Episcopi, qui designavit locum, quia est gratia; si mutatur locus, debet iterum approbari, nisi anteā fuerit Oratorium, ut contra *Pasq. excipit Quintanav.* Neque amittit, si mutet domicilium in aliam diœcesin, quia privilegium est personale; requiritur tamen inspectio loci, & approbatio novi Episcopi,

Syl-

Sylves. Aversa, Dian. p. 9. t. 1. R. 7. Neque opus est, ut claudatur quatuor muris, sed potest ex una parte claudi relâ, vel tapete; locus de cætero debet esse mundus, nec in ea poni lectus, in eo edere vel bibere una vel altera vice est tantum veniale, quia talis actio non est mortale ne quidem in Ecclesia consecrata; si comedestio fiat constanter, utendo illo loco velut alio profano, est mortale,

20. quia gravis irreverentia. 5. In privilegio exprimi solet, ut una tantum Missa unoquoque die celebretur, legere tunc secundam est mortale, quia est ac si legeretur extra loca deputata, idque de novo prohibet Clem. XI. præcipiens, ut celebratus se diligenter informet, an indulta Missa jam lecta fuerit. Potest tamen & hic prevalere consuetudo contraria, quæ in dubio non præsumitur, sed probari debet, quia est quid facti. 6. Bulla & Clem. XI. prohibit ibi legere die Paschatis, Pentecostes, Nativitatis ac aliis solennioribus festis; per festa solemniora S. Congregatio apud *Gavant.* p. 1. t. 20. intelligit festum Epiphaniæ, Annunciationis, Assumptionis B. M. V. festa SS. Petri & Pauli, & omnium Sanctorum, quod alii putant non habere vim legis, maximè ubi consuetudo est contraria, *Pafg. q. 659.* Si privilegium concessum est propter infirmitatem, nulli dies festi excipi solent, *Gavant.* 7. Extranci non satisfaciunt præcepto Missæ in Oratorio privato, imò nec domestici, qui tunc pro servitiis Domini non sunt necessarii; & ut Sacerdos ex-

traneus ibi legere possit, qui non est Sacellanus, debet adesse aliquis de familia, quia sic habet tenor Bullæ & decretum *Clem. XI. de Anno 1703.* nomine autem familie veniunt Herus, uxor, proles, famuli commensales, quod Pelliz. extendit ad fratres vel filias nuptias in eadem domo habitantes, et si non habeant eandem mensam: addi solet nec non in hospitium suorum nobilium præsentia, qui eriam satisfaciunt, et si sint ex eadem civitate vel parochia, quia favores sunt ampliandi, *Tamb. 8.* Hæc omnia præcipiuntur fieri sine jurium parochialium præjudicio; hinc sine parochi licentia non licet ibi ministrare Sacra menta, concionari, catechizare, &c. præsumi tamen potest parochus non esse invitus, ut ibi denuncientur festa, & distribuatur Communio extra tempus Paschale, nisi positivè contradicat; neque videtur esse contra jus Parochi Missam ibi solenniter cantare, ob rei tamen novitatem fieri non debet absque licentia Ordinarii.

QUÆR. VII. Quid circa formam, consecrationem & execrationem Altarium?

32. Tenenda esse sequentia: 1. Altare aliud est fixum, seu loco immobiliter inhærens, aliud viaticum seu portatile, quod ab uno loco portari solet ad alium, utrumque debet habere sepulchrum, seu cavitatem, in quo reponantur reliquiae, si cerræ haberi possint, item esse quadratum, & ex superiori parte lapidatum, *can. Altaria 31. de consec. dist. 1.* Portatile

K 2 con-

constare potest duobus lapidibus connexis, qui clandi & ante consecrationem aperiri possint instar libri.

24. 2. Utrumque debet esse consecratum ab Episcopo, vel ex privilegio Papæ à simplici Sacerdote. Tale privilegium Pius IV. in Bullar. novo to. 2. concessit Abbatibus Cassinensis, Greg. XIV. omnibus Abbatibus Cisterciensibus, teste *Rodrig. t. 1 q. 28 a. 2.* Paulus III. Societati Jesu in remotissimis partibus, ubi Episcopus Catholicus facile inveniri non potest, *Schmaltzgr. n. 38.* Honorius III. & Adrianus VI. Provincialibus Fratrum Minorum, & Fratribus, quibus ipsi commiserint pro Indiis, in casu necessitatis Episcopis in Provinciis non existentibus, *Rodrig. 3.* Celebrare sine Altari, vel in non consecrato, est graviter prohibitum, *c. 19.* *c. 30. de consec. dift. 1.* Si consecrata sunt, potest quilibet Sacerdos intra Ecclesiam consecrare in utroque, in fixo potest consecrare ubique; cum enim erigatur auctoritate Episcopi, censetur ipse locus ab episcopo destinatus ad cultum Divinum, *Pasq. q. 705.* *Semyei q. 389.* In portatili non potest legi extra locum benedictum, nisi ab illis qui habent privilegium, de quibus Q. 6. Non opus est, ut Sacerdos alibi consecrans exploret, an Altare sit consecratum, vel integrum, sufficit esse expositum. 4. Altare fixum exercatur, seu amittit consecrationem, si mensa seu superior lapis à basi, cui innititur, removeatur, *c. 1. & 2. de consec.* Non item si lapides inferiores mensam immedia-

tè non tangentes removeantur, & aliù substituantur, aut pars superior & inferior simul integrè transferantur ad aliam templi partem, vel superior tabula non sit ita affixa inferiori, quia unà cum sepulchro commodè transferri possit, quia tunc induit naturam Altaris portatilis, *Gobat, Sylvest. v. Altare q. 10. Barb. in c. 1. de consec. n. 2.* 5. Fixum & portatile exercuntur, si enormiter sint fracta, ita ut tertia pars sit destruta; item si frangatur aut removeatur sepulchrum seu locus reliquiarum, quod *Soto, Suar. Pirrh. n. 26.* probabilitè non admittunt, quia reliquiæ nunc sèpè non impununtur, eò quòd approbatæ vix haberi possint. 6. Si lapis consecratus frangatur in duas partes, quarum quælibet apta sit sustentare hostiam & calicem, utraque pars juxta communem apud *Henao & La Croix n. 31.* potest servire pro duplice atra, quia totus lapis erat consecratus; & sicut partes divisæ non amittunt usum & finem, sic nec consecrationem: neque consecratio amittitur per hoc, quòd Altare frangatur in quatuor cornubus, in quibus sit unctio, neque si tantum lapis sit scissus, modò partes nec ab invicem, nec ab inferiori structura separantur, quia scissura non tollit formam, nec facit aliud Altare, *Pasq. La Croix n. 303.* In dubio an fractura sit enormis, consulendus est Episcopus, *Castropalao, Reiffenst. n. 37.*

QUÆR. VIII. Quid circa calicem, patenam, ciborium, Monstran-
tiæ? &c.

R. 1.

26. q. 1. Ad Missam requiritur patena, & calix ex auro, argento vel stanno quoad cupam, pes esse poterit ex ære, ferro, vel alia materia, Laym. n. 12. Idem dic de ciborio & Monstrantia. 2. Calix & patena non benedicuntur per usum, ut volunt Pasq. Dian. sed debent esse consecrata ab Episcopo, vel habente privilegium, quale habent Abbates & Praelati gaudentes usi mitra & baculi, idque non tantum pro suis, sed & pro aliis Ecclesiis, teste praxi, Pasq. Engel. l. 3. tit. 40. n. 9. Declarationes in contrarium non sunt usu receptæ, vel de iis non constat authenticè. 3. Ciborium non consecratur, quia in Rituale nulla sit mentio chrismatis vel unctionis; probabilius tamen debet benedici, quia pro eo habetur specialis benedictio in Rituali; possuntque benedicere Superiores Mendicantium, uti & reliqua paramenta, in quibus nulla intervenit unctio. Suar. Bonac. Sot. Pasq. q. 778. Sporer n. 401. dicunt, benedictionem ciborii tantum esse de congruentia, quod certum videtur de monstrantia, quia nulla pro hac habetur benedictio in Rituali; deceret lunulam, in qua ponitur hostia, benedicere benedictione pixidis, nullo tamen id jure precipitur. 4. Si quis præter Sacerdotem aut Diaconum calicem, patenam, corporale, ciborium, in quibus actu est Corpus Christi, tangat, peccat mortaliter, communis, arg. can. 40. & 42. de consec. diff. 1. Si vacua sit, erit veniale ea tangere absque causa; alias nullum. Acolythi & minoribus ini-

tiati licet vacua tangunt, c. non licet d. 23. uti & Regulares Sanctistar, et si laici ex privilegio concesso Mendicantibus omnia S. vasa, corporalia, &c. reverenter tangere & lavare possunt, Laym. Sporer l. c. 5. Patena & calix consecrationem amittunt per notabilem fractionem, ut si pes à cupa abrumptatur, nisi calix sit tornatilis, & cupa ex arte absque fractione possit separari, Pasq. 768. Engel n. 6. Non amittitur consecratio per iactus à fabro, & probabiliter nec per deaurationem, Coning, Pelliz. Reiffens. n. 46. quia major pars sacra cupæ trahit ad se minorem, & ecclesia non execratur, si de novo dealbetur, ergo nec calix, si deauretur; deinde execratio est odiosa, quæ in dubio induci non debet, nisi ex textu claro.

QUÆR. IX. Quid circa paramenta aliaque ad Missam requisita?

q. 1. S. vestes & præcipua paramenta ad Missam pertinentia, velut Casula, Stola, Manipulus, Alba, Cingulum, Amictus, Corporale lineum, aut ex cannabe vel gossypio, Purificatorium, Palla, debent esse benedicta; probabilius autem non benedicuntur per usum, ut docent Jordan. Dian. p. 5. t. 13. R. 60. sed benedici debent ab Episcopo vel Superiori Regularium, id enim concessit Innoc. VIII. Prioribus Ordinis S. Hieronymi & Vicariis in absentia Prioris, & per communicationem aliis, ut possint benedicere Corporalia, vestimenta, ceteraque ornamenta Ecclesiastica ad cultum Divinum pertinentia tam sui Monasterii, quam etiam undecunque

QUÆR. IX. Quid circa para-
menta aliisque ad Missam requisita?

*P. 1. S. vestes & præcipua para-
menta ad Missam pertinentia, velut
Casula, Stola, Manipulus, Alba, Cin-
gulum, Amictus, Corporale lineum,
aut ex cannabe vel gossypio, Purifica-
torium, Palla, debent esse benedicta;
probabilius autem non benedicun-
tur per usum, ut docent Jordan. Dian.
p. 5. t. 13. R. 60. sed benedici debent ab
Episcopo vel Superiore Regularium,
id enim concessit Innoc. VIII. Pri-
oribus Ordinis S. Hieronymi & Vi-
cariis in absentia Prioris, & per
communicationem aliis, ut possint
benedicere Corporalia, vestimenta,
cæteraque ornamenta Ecclesiastica
ad cultum Divinum pertinentia tam
sui Monasterii, quam etiam undecunque*

2 S.

sint, *Pelliz. Miranda, Rodrig. q.19. a.2.*
Defranch. in controv. p.2. q.28. n.3. Si
 dicas: S. Congreg. apud Gavant. Le-
 zana, Defranch. declaravit, quod
 tantum id possint pro suis Monaste-
 riis. 2. S. Congregatio solùm vult,
 quod privilegium in generè datum
 ad benedicendum omnia paramenta
 intelligendum sit tantum de para-
 mentis sive Ecclesiæ, non autem si in
 specie exprimat, quod Regulares
 possint benedicere omnia paramenta
 tam sui Monasterii, quam NB. unde-
 cunque sint, sicut hic; neque enim
 S. Congreg. revocat, sed tantum ex-
 plicit sensum privilegii in genere
 dati, præsens autem non indiget ex-
 plicatione, *Defranch. l.2. Reiffenft. n.52.*
 atque ita habet praxis. 2. Prædicta
 paramenta amittunt benedictionem,
 si ita immittentur, ut sint inepta ad
 usum, ad quem fuerunt benedicta,
 ut si ex Stola fiat Manipulus, ex Cor-
 porali Purificatorum, ex Casula Sto-
 la, vel ex Alba absindatur manica;
 si planè sint attrita, non debent ad-
 hiberi ad usum profanum, sed positi
 exusi, & cineres mitti in Sacratium,
c. ligna, de consec. Non amittunt bene-
 dictionem per novam suffulturam,
Gobat t.3. n.300. neque si adhibeantur
 ad usum profanum, attamen sic usur-
 pantes peccant contra reverentiam,
 adeò ut intens ad comedias profanas
 vix vacet culpâ mortali, *Suarez diff. 81.*
f.8. 3. Sine omnibus sacris vestibus
 Missam dicere vix unquam licet, ne
 quidem ad dandum viaticum, vel ut
 populus Missam audiat, aut ut satis-
 fiat fundationi vel stipendio, sicut

non licet consecrare extra Missam,
 quia præceptum de viatico vel au-
 dienda Missâ non obligat, nisi quan-
 do celebrari potest reverenter. An
 id liceat ad vitandam mortem com-
 minatam, dixi *Cas. 83. n. 29.* Omittere
 unam è majoribus, Casulam, Albam,
 Stolam, vel Corporale, est mortale.
 In necessitate, ut cum dandum est
 viaticum, vel die festo sine gravi
 scandalo aut murmure populi Missa
 omitti non posset, licebit legere sine
 Stola vel Manipulo, non autem præ-
 cisè ut satisfiat præcepto Ecclesiæ,
 quod tunc obligare cessat, *Laym. Dian.*
p.3. t.2. R. 57. Si oblitus es Stolam,
 debes ante consecrationem adhuc cu-
 rare adferri, si possis absque turbatio-
 ne, murmure & scandalo; dare Com-
 munionepr sine Stola est solùm veniale,
La Croix n. 335. Si Parochus non ha-
 beat Albam benedictam, posset die
 festo celebrare in non benedicta, *Gob.*
n. 323. 4. Omittere Manipulum,
 Cingulum vel Humerale, Pallam, est
 tantum leve, idèque excusat, si sit
 aliqualis necessitas, v. g. ut tu vel
 alius satisfaciat præcepto, fundationi,
 vel lucretar indulgentias, & manipu-
 lus haberi non possit. Si defit Velum,
 potest consecrari sine eo, in defectu
 Purificatorii potest adhiberi Strophio-
 lum mundum, quia non requirit be-
 nedictionem; tunc tamen non potest
 amplius adhiberi ad usum profanum,
 debetque Purificatorium primâ vice
 lavari a persona sacra. Velum, bursa,
 manutergium, pulvillus pro libro re-
 quiruntur ex decentia, *Gavant. Sporer.*
n. 400. Ut paramentis sordidis plerum-
 que

30. que est tantum veniale. 5. Rubrica quoad colorem paramentorum juxta *Suar.* est merè directiva, & vix potest hic peccari mortaliter, nisi forsitan ob scandalum, ut si quis in Paschate publicè legeret in nigris. Quoad colorē quivis Sacerdos potest, immo & in diœcesi Colon. ex mandato Archi-Episcopi, debet se accommodare officio illius Ecclesiæ, in qua celebrat, quamvis ab officio suo discordet; ira, ut si in Ecclesia illa utantur paramentis albis, tu debeas uti eisdem, etsi Missam legas de martyribus vel de feria. 6. Sufficit Mappa duplex tegens totum Altare, vel una duplicata aut triplicata ea parte, ubi ponitur patena cum calice, deber est lino, cannabe vel gossipio, & ab Episcopo vel habente potestate benedicta, adhibere nullam est mortale, adhibere unicum veniale; in necessitate posset adhiberi linteum profanum, profanis usibus restituendum, *Senyeyi*, *Pasq. Suar.* *Laym. c. 6. n. 11.* Ratio est, quod nullo jure major hic rigor præcipiat. 7. Antependium potest esse ex asseribus vel alia materia colorata, quia adhibetur solum ad ornatum. 8. Requiritur crux sub veniali, si Venerabile sit expositum, non opus est cruce, melius tamen est ex devotione celebrate sine cruce, quam Missam omittere, *D.D.c.c.* 9. Requiritur lumen duplex, unum omittere videtur solum veniale, omittere utrumque juxta communem est mortale; si utrumque ante consecrationem extinguitur, sine spe habendi brevi aliud, *Fagn. Lohner. Tamb. l. 1. c. 5. §. 4.* dicunt, Missam
- esse abrumpendam; sed probabilius potest continuari, quia continuatio Missæ est decentia intrinseca, lumen extrinseca, *Leander. Pasq. Senyeyi*; si unum extinguitur, mone ministrum, & perge. Juxta Rub. requiruntur candela cereæ, in necessitate possent adhiberi ex sevo; *Gobat n. 292.* mallet has adhibere, quam Sacrum omittere; distribuere Communionem sine lumine, juxta *Suar.* est veniale, juxta *Sporer.* nullum. 10. Requiritur Missale; in necessitate posset legi Missa in charta descripta, vel etiam memoriter, modò absit periculum errandi, *Laym. Sporer. l. c.* Quilibet potest se accommodare Missali Romano, vel suæ diœcesis: Sacerdos ritus Romani utens Missali Regularium, juxta *La Croix n. 367.* peccat graviter, intellige, si legat Missam propriam soli isti Ordini concessam, alias non video obligacionem gravem; si enim in defectu Missalis posset legi ex charta, ut ipse fatetur, cur non ex alieno Missali? Modò Missa & ritus non notabiliter discrepent. 12. Ex gravi præcepto requiritur Minister, qui respondeat, & necessaria ministret, in necessitate, ut populus Missam audiat, vel conficiatur Viaticum pro morituro, licet legere sine Ministro, *Navar. Bonac. Tamb. l. 1. c. 7. §. 5.* si non possit haberi Minister, qui respondeat, debet saltem adhiberi, qui ministret necessaria, & cum tali licet celebrare, etiam ex sola devotione, si aliud non adsit, *Laym. c. 4. n. 13. Sporer. n. 390.* Fœmina prohibetur ministriare, c. inhibendum de cobab. *Cler. & mul.* ita ut

33.

pla-

plures dicant satius esse absque omni ministro celebrare, quam adhibere fœminam; posset tamen tolerari consuetudo, ut in defectu masculi fœmina vel monialis respondeat à choro, collocutorio, vel senestella ad latum extra conspectum Sacerdotis, ita ut reliqua sibi ipsi Sacerdos ministret.

13. Rubrica requirit, ut Sacerdos Missam legens sit calceatus, excusat tamen quævis rationabilis causa; deinde legi debet nudato capite: si quis ex denudatione pateretur grave incommodum, posset se privatim teger usque ad consecrationem, & rursum post Communionem peractam, *Navar. Gobat, La Croix n. 400.* Innoc. XI. prohibuit, ne celebretur in capillatio ficto seu perruca absque speciali licentia S. Sedis, idque publicatum est *Coloniae 21. Martii 1689.* Nihilominus videmus Clericos sæculares passim contentos esse judicio unius alteriusve prudentis medici, & Regnates judicio Superiorum.

14. Ad *Sanctus* & elevationem (nisi sit concio) datur signum parvâ campanulâ, quæ non benedicitur: campanæ majores, quibus convocantur fideles ad ecclesiam, consecrantur ab Episcopo, vel per Abbates Pontificalia exercentes, quos habent hanc facultatem etiam pro ecclesiis extraneous, sicut & pro consecrandis Altaribus, calicibus, &c. testatur *Aversa q. 11. f. 3. § 6.* Campanæ suspendi non possunt in Oratoriis privatis, sed solum publicis, c. patentibus 10. de privit. *Abbas, Barb.* Esse autem licitum uti campanis benedictis ad monendum

34.

populum de re profana, v.g. orto incendio, de educendo reo, adventu militum &c. dum aliter moneri non possunt, docet *Schmalzgr. n. 57.* & quotidiana praxis.

Q U Ä R. X. Qualis Missa legi debeat?

q. 1. Debet legi talis, qualis à Rubricis prescribitur; qui legit contra Rubricas, v.g. in duplice de requiem vel votivam, secluso contemptu & scandalo peccat solum venialiter, *Suar. Dian. Sennyei, Tamb. Sporer l.c.* Votum vel promissio de legenda Missa contra Rubricas non obligat, quia est de re illicita, vel minus laudabili. 2. Potest legi de quovis canonizato, et si necdum relato in Martyrologium; de beatificato legi potest tantum in die assignato, non autem extra diem, vel per annum votiva, nec in alia Missa de eo addere commemorationem, uti nec horas legere, neque eorum imagines in Ecclesiis vel Oratoriis publicis exponere sine speciali licentia S. Sedis, undeclaravit S. Cong. 27. Sept. 1659.

3. Missæ certis Religiosis concessæ non possunt legi ab aliis, qui ejus Religionis non sunt; excipe Sacellanos monialium etiam sæculares, qui possunt Missas Monialibus proprias, v.g. de Beato Ordinis dicere, sed ex Missali Romano de communis, ut declaratum est *Roma 9. Junii 1668.* quamvis Introitus, Graduale & Offertorium discordent à choro.

4. Missæ votivæ (seclusa causâ publicâ) non possunt dici in Dominicis vel duplicibus, nisi duplicita sint ad libi-

libitum, nec infra Octavas Nativitatis, Paschæ, Pentecostes, Epiphaniæ, Corporis Christi, die Cinerum, Hebdomade S. in vigilia Nativitatis & Pentecostes, in vigilia Epiphaniæ; in votiva ordinariè omittitur *Gloria*, *Credo*, nisi sit de Angelis vel B. V. in Sabbatho, vel solennis; memoratis diebus etiam nequit legi *de Requiem*, & pro diebus duplicitibus sub gravibus penitentibus prohibuit Alex. VII. & Clem. XI. 30. Aug. 1706. nisi stante funere; pro die anniversaria, tertia, septima, trigésima, ne quidem permittitur Missa solemnis *de Requiem* in dupli præcepto, ut declaravit S. Cong. 1. Sept. 1607. & 20. Junii 1626. sed differenda est ad diem non impeditum, vel potius anticipanda; in Altari privilegiato festo duplicita legenda est Missa concordans Breviario, & eadem Indulgentiæ obtinentur, quæ per Missam *de Requiem*, ut dixi *Casu præc. n. 22.* De numero Collectarum, ritibus, ceremoniis per annum observandis v. Rubricas Missalis.

QUÆR. XI. Quale peccatum sit hic aliiquid omittere?

37. 1. Omittere lotionem ante Missam ad summum est veniale, si manus sint sordidae; omittere post Missam nullum, quia rubricæ hic sunt directivæ. 2. Orationes præparatoriae vel etiam gratiarum actoriæ dicendæ sunt pro opportunitate Sacerdotis, ideoque non obligant, possuntque mutari in alias preces; idem die de Orationibus inter lavandum & induendum, *Tamb. l. i. c. 7.* 3. Omittere

R. D. Jansen Pars II.

partem missæ substantialiæ, v.g. oblationem, consecrationem, sumptuonem unius vel utriusque speciei, juxta omnes est peccatum mortale & gravissimum sacrilegium; idem viderunt, si omittatur pars ordinaria notabilis, quæ semper dici solet; ut si omittatur Epistola, Evangelium, pars Canonis cum mutatione sensus; secus si tantum aliqua nomina Sanctorum omittantur. Item juxta *Paq. q. 208.* si post Communionem omittatur putificatio calicis & patenæ; omittere partem non ordinariam, quæ in omni Missa dici non solet, ut *Gloria, hymnus, Credo, &c.* vel omittere partem non notabilem, secluso scandalo est solum veniale, ut si omittatur *Judica, Kyrieleison*, una vel altera Collecta, *Tractus, Alleluja*, aliquæ benedictiones & cruces, Evangelium S. Joannis in fine, quod magistrenet, si illa non omittantur, sed permittentur, ut si loco specialis Collectæ, Evangelii, Præfationis aut Communionis, legatur de communi; idem est, si dicatur *Gloria, Credo, Sequentia, &c.* quando sunt omittenda, *Lugo, Tamb. Paq. Gobat l. c. 4.* Qui potest omnia peragere præter elevationem Hostiæ & Calicis, potest his omissis privatim celebrare, imò & publicè, modò populus moneatur, ne murmuraret, aut scandalizet, *Gobat n. 743.* quia ille defecitus non est tantus, ut privet jure acquisito ad celebrandum. 5. Accelerare Missam per se est tantum veniale, nisi syllabæ ita absorbeantur, ut sensus notabiliter mutetur, vel adsit scandalum; absurdum est operi

38.

L di-

divinissimo ad medianam horam nolle immorari, idque præcepit Synodus Coloniensis Anno 1662. Notabilem partem ita recitare intra dentes, ut secluso omni impedimento se ipsum audire non possit, juxta Pasq. La Croix n. 438. est mortale, quia præcipitur oratio vocalis; vox autem est sonus, sonus essentialiter est audibilis, cùm sit objectum auditus. Nihilominus probabilius est non peccari, quia ad orationem vocalem sufficit, quod verba formentur per motum oris & linguæ; talis enim oratio non est merè mentalis, ergo vocalis; & sicut res colorata manet obtutum visus

hoc ipso, quod maneat colorata, etsi dividatur in partes adeò exiguae, ut non sit proximè apta videri, sic & vox aut sonus manet verè talis, etsi sit ita tenuis, ut audiri non possit. V. Cas. 73. n. 12. 7. Qui verbi secretò dicenda altè recitat, plerumque peccat venialiter, nisi tam altè in praesentia plurium exprimat præsertim verba consecrationis, ut circumstantes ea clare intelligere, addiscere, & ad profana abuti possint; tunc enim & non alias peccatur graviter contra finem præcepti. De distracto sub Canone vel consecratione dixi Cas. 91. n. 13. Cas. 92. n. 7.

C A S U S X C V .

De obligatione Missam audiendi & abstinendi à servilibus.

HAdrius scrupulatur: 1. An sit obligatio ad Missam in festo indicio à Rege vel Episcopo, an in die Cinerum, hebdomade S. Festo S. Marci, in die animarum, & quid in dubio. 2. An obligentur pueri, Sacerdotes, surdi, caci & muti, peregrini. 3. Qualis requiratur attentio, intentio. 4. An satisfaciat, qui Missam audit immemor præcepti, aut nolens satisfacere. 5. Aut si ex intentione mala, curiositate, &c. 6. Quid de ebrío, dormiente, distracto, vel non advertente Missam jam esse ceptam. 7. Quid de iis qui sub Missa colloquuntur, libros profanos legunt, pingunt, constinent, confessionem audiunt, Horas vel librum spirituale legunt, com-

municant, &c. quid de musicis, organistis, ministris. 8. 9. Quid si pars Missa negligatur, Epistola, Evangelium, consecratio, oblatio, Communio. 10. An veniens ante vel post consecrationem teneatur reliquam partem audire. 11. An audire per partes. 12. An sufficiat audire Missam Graciam vel excommunicati. 13. An debeat audiri in Parochia, quid de Oratorio Episcopi, Regularium, 14. Secularium, an in eo audire obligetur, qui alibi non potest, vel conducere Sacerdotem pro stipendio. 15. An satisfaciat, qui audit in castris, in mari, 16. In Sacristia, in ambitu, è domo vicina, tecto, fenestra. 17. An excusat infirmi, & quid in dubio, an existentes in locis in fide-